

La Surselva alla tscherca d'ideas e projects

La «Agenda 2030 Grischun» pretenda dallas regiuns ina strategia da svilup pigl avegnir

DA HANS HUONDER / ANR

■ **Igl Uffeci per economia e turissem dil Grischun pretenda dallas regiuns ina strategia da svilup pigl avegnir. Quella duei vegnir elavurada comunablaimein d'exponents dalla politica, economia e societad. En Surselva ein las empremas sentupadas seplegadas, entochen il mars vegnent quenta il menader dil post da contact per il svilup economic, Urs Giezendanner, ch'il sboz persuerter seigi sin meisa.** Il project ch'il cantun ha lantschau senumna «Agenda 2030 Grischun». Sustegn persuerter ha el dil Secretariat statal per economia. La lavur ei necessaria sin fundament dalla proxima fasa dalla Nova politica regiunala dalla confederaziun. Quella entscheiva igl onn 2016. La finamira fundamentala dil project ei da rinforzar l'economia oravontut el territori rural, la muntogna e las regiuns al cunfin. Il project vegn elavurau sin basa dalla «strategia cumpleina dil svilup dall'economia dil cantun Grischun», presentada uonn dalla regenza, il sboz per il niev concept da spazi ed il plan directiv cantunal che sto medemamein vegnir adattaus. La lavur succeda sut la reschia digl Uffeci per economia e turissem dil Grischun ed il Secretariat statal per economia en collaboraziun cun las regiuns. Sco gremi da cussegliaziun stat ina gruppa directiva cun 15 persunas a disposiziun. Dalla Surselva ei la vicepresidente dalla suprastanza dalla Regiun Surselva, *Silvia Casutt-Derungs* da Falera, dalla partida. La gruppa reflectescha il process ordvesta cantunala. La lavur vegn menada d'ina gruppa cun trei biros specialisai. La fin da zercladur ei igl agir ellas regiuns vegniu fixaus.



Il menader dil post da contact per il svilup economic dalla Regiun Surselva, Urs Giezendanner, lavura il mument denter auter vid la «Agenda 2030».

FOTO H. HUONDER

Duas regiuns da pilot

La Surselva e l'Engiadina Aulta ein vegnidas tscharnidas sco regiuns da pilot dil Grischun. Cheu ein las lavurs vegnidadas lantschadas igl imprend, ellas ulteriuras regiuns vegn quei a succeder el decuors da quest atun. Enteifer la Surselva ein la vischnaunca da Lumnezia e Sursassiala eligidas sco loghens da svilup. Las duas empremas sentupadas han giu liug. A quellas ein oravontut exponents dalla politica stai presents. «Perencunter han plirs representants dall'economia ch'ei medemamein vegni envidai tralascchau la sentupada», di

Urs Giezendanner, menader dil post da contact per svilup economic en Surselva. La lavur che succeda uss enteifer la regiun sto esser a fin primavera. Urs Giezendanner quenta che quei vegni ad esser il cass sil pli tard il mars. Lu duei vegnir lantschau informaziun e discussiun davart las ideas, respectivamein la strategia. In'egliada speciala vegn dau sin la vischnaunca da Lumnezia e la Sursassiala. «En Lumnezia vegnin nus segiramein a discutir davart in rinforz da Vella sco center. Leu ein plirs projects da hotel en discussiun. Nus stuein sedumandar denter auter tgei che nus savein

perscher sper in hotel niev, per exempel sil sector da wellness», di Urs Giezendanner. El constatescha ch'il territori da skis ei leu avon esch e che la cuntrada ei attractiva era per la stad. En Sursassiala vegn discussiunau proximamein davart ina promozion dall'economia en general, en special denton era davart il turissem: «A Tujetsch ein las lavurs vid igl Alp Transit a fin. Il grond resort da vacanzas ad Andermatt ei medemamein ina gronda sfida. Lu lein nus denton era discussiunau davart las pusseivladadas ch'il Pass dil Lucmagn porscha ni era co semover vinavon arisguard il hotel Acla

da Fontauna a Mustér. In tema ei era l'anteriura casa da tgira a Curaglia.» Abstrahau dalla Lumnezia e da Sursassiala vegn il gremi era a discutir davart las autras vischnauncas. «Generalmein stuein nus denton era sefatschentat dalla problematica dallas colligiaziuns», di Urs Giezendanner.

Ei drova novs impuls

Il proxim temps vegnan singulas gruppas da lavur a discussiunau davart temas specifics sco per exempel il turissem, rinforzar ils centers, standard da habitar, alternativs tiel turissem ni era provediment sco sanadad ed energia. Ina schanza vesa Urs Giezendanner era el Parc Adula. «En quei project eis ei gia vegniu fatg fetg bia lavur. In aspect fetg positiv ei gia ussa l'avischinaziun dallas regiuns involvidas», puntuescha Urs Giezendanner. Las prioritads che vegnan la fin finala dadas sin fundament dalla strategia eligida vegnan allura era a pretender dallas vischnauncas engaschament, denter auter finanziar. «Ils projects ein in muossavia concret, mo sulettamein dil sustegn finanziar dalla confederaziun ein quels buca pusseivels da realisar», puntuescha Urs Giezendanner. Per quei motiv vegnan era las vischnauncas a stuer s'adattar en lur planisaziun e program da lavur. «Nus duvren urgentamein novs impuls economic ella regiun. Ina rangaziun publicada uonn dalla confederaziun muossa che la Surselva ei pli u meins alla cua da tuttas regiuns en Svizra pertuccont differents criteris. Nus constatein denton era dapi entgens onns ina reducziun marcanta da pernottaziun. La consequenza ei ch'ils daners per novaziun mauncan, per exempel ella hotellaria», constatescha Urs Giezendanner.

Giuvens scenziads s'entaupan a Tavau

■ (rtr) A Tavau han preschentà radund 60 doctorands lur lavurs da perscrutaziun al quart congress da l'Academia Raetica «Graubünden forscht – Young Scientists in Contest» ch'è stà ils 10 ed 11 da settember 2014. Il romanist *Ursin Lutz* dal Dicziunari Rumantsch Grischun ha mussà a Tavau sia lavur da

doctorat sur da Balthasar Gioseph de Vincenz (1789–1858) da Siat ch'è stà da ses temp en servetsch militar ester en Spagna. Lutz ha intercurrì il manuscrit «Meum Scret» da Vincenz ch'è scrit en ina lingua singulara; rumantsch cun bleras influenzas dal spagnol.



Per puder proteger l'infrastructura da crappa ston ins saver co quella rocla: Crappa rouda seglia lunsch, crappa cun cantuns seglia ad ault.

FOTO J. F. PAJAROLA

Gianitschas da l'Alp Russein ston turnar pli baud a chasa

■ (rtr) Ina stad bletscha e fraida va plaunsieu a fin per las alps grischunas. Differentas alps stgargian lur biestga pli baud che usità. Autras pon dentant tegnair en il termin fixà. In'alp che stgargia gia uss è l'Alp Russein a Sumvitg. Ella stgargia sias gianitschas gia in'emna avant la media dals davos onns. Sin l'Alp Russein saja creschì fitg pauc pastg uschia ch'ils animals n'hajan giu pauc da mangiar, uschia *Rest Andriu Bearth*, il president da la Corporaziun d'alps Sumvitg. Er haja quai dà dapli accidents e dapli problems cun ils pes da las gianitschas pervia dal terren bletsch.

reclama

22.11.2014 | uni.li/infotag

GUT ZU WISSEN

BACHELOR (BSc)

- Architektur
- Betriebswirtschaftslehre

MASTER (MSc)

- Architecture
- Banking and Financial Management
- Entrepreneurship
- IT and Business Process Management

DOCTORATE (PhD)

- Architecture and Planning
- Business Economics

UNIVERSITÄT LIECHTENSTEIN

www.uni.li

Experiments cun crappa sil Pass dall'Alpsu

■ (anr/hh) **Igl Institut federal per la perscrutaziun digl uaul, neiv e cuntrada (WSL) ha fatg experiments cun crappa sil Pass dall'Alpsu. 111 craps da differenta fuorma ein vegni mess en moviment en ina plaunca.** Il project unic ha giu la finamira d'examinar igl effect dalla fuorma dil crap, sco per exempel sin la spertadad da quel ella plaunca. Ils perscrutaders han mess en moviment crappa cun ina peisa denter 25 ed 80 kg. Els han persequitau il viadi dil crap entochen el pli davos detagl, pia era la via individuala da mintgin. Cun agid d'instruments da mesiraziun ei vegn eruiu la spertadad dalla crappa, con aults e liungs ch'ils segls ein, con fetg ch'ella rotescha e con lunsch ch'ella rocla. Schegie che la crappa ei vegnida messa en moviment en sulettamein tschun posiziun differentas e fixadas ei la via da quella stada fetg dif-

ferenta. Ils ins ein ruclai entochen el miez dalla plaunca, ils auters entochen viaden el plaun. Grondas differenzas vegnan era constatadas tier l'altezia dils segls. Per part ein quels stai plirs meters aults. Ils resultats digl experiment surveschan buca mo alla capientscha pertuccont bovas, mobein era al svilup dil model «RAMMS:ROCKFALL». Quei model sviluppaus digl Institut federal per neiv e lavinias (SLF) simulescha bovas a basa da models da territori digital. Cun agid dils resultats sa il model vegnir migliuraus, oravontut quei che pertucca il terren ed aschia optimar l'interacziun dalla crappa en cumbinaziun cun il terren. Ensem cun la fuorma dil crap – seigi rodunds ni cun cantuns – sa la via dil singul crap vegnir simulada. Ils emprems resultats davart ils experiments ein avon maun.

reclama



«Mit der Einheitskasse wird kein Geld gespart!»

Nationalrat Hansjörg Hassler (BDP), Donat



Regionalkomitee: www.einheitskasse-nein.ch